

COFNOD O BENDERFYNIAD CYFARFOD O'R IS-BWYLLGOR DEDDF TRWYDDEDU 2003 (A) A GYNHALIWYD SIAMBR Y CYNGOR, SWYDDFEYDD DINESIG, STRYD YR ANGEL, PENYBONT AR OGWR CF31 4WB AR DYDD IAU, 5 HYDREF 2023 12:30

Presennol

Y Cynghorydd M Lewis – Cadeirydd

MJ Kearn

J Llewellyn-Hopkins

Swyddogion:

J Ellams (Swyddog Gwasanaethau  
Democrataidd - Pwyllgorau),  
S Griffiths (Swyddog Gwasanaethau  
Democrataidd - Pwyllgorau),  
A Lee (Uwch Cyfreithiwr),  
M Pitman (Swyddog Gwasanaethau  
Democrataidd – Pwyllgorau)  
Y Witchell (Rheolydd Tîm Trwyddedu)

Teitl yr Adroddiad	Deddf Trwyddedu 2003 Adran 51: Cais i Adolygu Trwydded Safle, Eden, 33 Stryd y Farchnad Pen-y-bont ar Ogwr, CF31 1LJ
Y penderfyniad a wnaed	<p>Rhaid i'r Is-bwyllgor, wrth wneud penderfyniadau, hyrwyddo'r amcanion trwyddedu statudol ac, yn benodol, atal trosedd ac anhrefn a diogelwch y cyhoedd. Mae'r Is-bwyllgor wedi ystyried Deddf Trwyddedu 2003, y canllawiau statudol a gyhoeddwyd o dan y Ddeddf a datganiad Polisi Trwyddedu'r Cyngor.</p> <p>Mae'r Is-bwyllgor wedi penderfynu bod deiliaid trwydded wedi torri amodau eu trwydded sy'n ymwneud â CCTV sydd wedi tanseilio atal trosedd ac anhrefn a diogelwch y cyhoedd.</p> <p>Mae'r Is-bwyllgor wedi clywed bod Mr a Mrs Rasul wedi derbyn nad oedd eu hymddygiad yr hyn a</p>

ddisgwylir ganddynt fel deiliaid trwydded ond eu bod wedi rhoi sawl mater ar waith i unioni'r sefyllfa fel ailwampio'r camerâu a rhoi hyfforddiant ar waith i'r teulu ar lawrlwytho'r delweddau. Fodd bynnag, mae'r Is-bwyllgor wedi penderfynu nad yw hyn yn mynd yn ddigon pell i sicrhau cydymffurfiaeth â'r amod trwyddedu a'r amcanion trwyddedu.

Mae'r Is-bwyllgor wedi penderfynu bod yn rhaid hyfforddi pob aelod o staff yn y fangre i lawrlwytho'r delweddau CCTV, fel pe bai'r Heddlu yn mynychu'r fangre a'u bod angen y ffilm, bod pob aelod o staff yn gallu eu darparu ar gais. Rhaid i ddeiliad trwydded y fangre lunio cofnod sy'n cynnwys enwau'r holl aelodau staff sydd wedi'u hyfforddi a rhaid ei gyflwyno i Adran Drwyddedu'r Cyngor ac adran Drwyddedu'r Heddlu cyn i'r cyfnod o 14 diwrnod fynd heibio.

Mae'r Is-bwyllgor wedi penderfynu y byddant yn atal y Drwydded am gyfnod o 14 diwrnod i sicrhau bod pob aelod o staff yn cael eu hyfforddi ar lawrlwytho'r delweddau yn ystod y cyfnod hwnnw a bod cofnod yr hyfforddiant ac enwau'r staff sydd wedi'u hyfforddi yn cael eu cyflwyno i'r Heddlu ac Adran Drwyddedu'r Cyngor. Hefyd, yn ystod y cyfnod hwn, rhaid i ddeiliaid y drwydded gyflwyno enwau pob aelod o staff sydd ag allwedd i'r fangre a rhoi'r rhestr honno i'r Heddlu ac Adran Drwyddedu'r Cyngor.

Mae'r Is-bwyllgor hefyd wedi penderfynu bod yr amod CCTV ar y Drwydded angen ei ddiwygio i sicrhau bod yr amcanion trwyddedu yn cael eu cyflawni, a bod yr amod yn cael ei ddiwygio fel a ganlyn: -

Bydd CCTV yn cael ei ddarparu ar ffurf system recordio sy'n gallu darparu lluniau o ansawdd tystiolaethol ac sy'n caniatáu adnabod wyneb. Bydd camerâu ar bob mynedfa ac allanfa yn y fangre, gan gynnwys allanfeydd tân a phob rhan, ac eithrio'r toiledau, y mae gan y cyhoedd fynediad iddynt. Bydd yr offer yn cael ei gadw mewn cyflwr gweithredol da. Bydd y System yn recordio'n barhaus tra bod y fangre ar agor ar gyfer gweithgareddau trwyddedadwy a thrwy'r adeg pan fydd cwsmeriaid yn bresennol. Bydd recordiadau yn cael eu hamseru a'u cadw am gyfnod o 28 diwrnod a byddant yn cael eu rhoi i swyddog heddlu o fewn 72 awr o gael cais cyfreithlon. Bydd goruchwylydd dynodedig y fangre yn sicrhau bod rhaid i bob aelod o staff ar ddyletswydd, ar unrhyw adeg, fod wedi'i hyfforddi i ddefnyddio'r offer CCTV a gallu cynhyrchu recordiadau mewn fformat y gellir eu trosglwyddo naill ai i USB neu ddisg neu drwy system NICE a ddefnyddir gan Heddlu De Cymru, ar gais cyfreithlon gan swyddog heddlu neu swyddog Awdurdod Lleol. Bydd y fangre hefyd yn cadw cofnod sy'n cynnwys enwau'r aelodau staff sydd wedi cael eu hyfforddi i lawrlwytho'r system CCTV ynghyd â'r dyddiad y cafodd y staff eu hyfforddi. Rhaid i bob aelod o staff newydd gael ei hyfforddi o fewn 21 diwrnod i ddechrau gweithio yn y fangre. Bydd yr offer recordio yn cael ei gadw mewn amgylchedd diogel o dan reolaeth y goruchwylydd dynodedig neu unigolyn cyfrifol arall a enwir. Bydd log dyddiol gweithredol yn cael ei gadw i nodi bod y system wedi'i gwirio a'i bod yn

	cydymffurfio. Os bydd unrhyw fethiannau gyda'r system bydd camau gweithredu yn cael eu cymryd i gywiro methiannau o'r fath ac yn cael eu cofnodi. Os bydd methiant technegol yn yr offer CCTV bydd y goruchwylydd dynodedig yn rhoi gwybod i'r Heddlu am fethiannau o'r fath.
Dyddiad gwneud y penderfyniad	5 Hydref 2023
Buddiannau personol a ddatgelwyd	Dim